

傷寒懸解

四

傷寒懸解卷九

昌邑黃元御坤載著

少陽經下篇 十六章

少陽壞病

少陽在半表裏之間故宜小柴胡半表裏治之而半表之陽盛則小柴胡之黃芩不足以清表陽而人參反益半表之熱服柴胡湯已渴者屬陽明是也半裏之陰盛則小柴胡之人參不足以溫裏陰而黃芩反益半裏之寒與柴胡湯後必下重是也小柴胡未嘗犯本經之禁而於陰陽偏盛者猶有助虛之弊況乎汗下溫鍼倒行逆施陽盛而泄其陰陰盛而伐

其陽則入陰入陽壞病百出矣仲景於是有救逆之法補苴挽回使之離陽明之府而出太陰之藏所謂明輔造化幽贊鬼神者也

少陽壞病提綱一

少陽二十三

太陽表證不解傳於少陽之經脇下鞭滿乾嘔不食往來寒熱譫語是其府病而經鬱也若汗下溫鍼一經逆治陽盛則入陽明之府陰盛則入三陰之藏少陽之證已罷他經之證蠱生病自少陽而壞是謂少陽之壞病其逆犯不同則病壞非一知其所犯治之以法法在則人存病雖壞而人不壞是貴乎良工也

本太陽病不解轉入少陽者脇下鞭滿乾嘔不能食往來寒熱
尚未吐下脈沉緊者與小柴胡若已吐下發汗溫鍼譏詎柴胡
證罷此爲壞病知犯何逆以法治之

本太陽表證不解傳入少陽者脇下鞭滿乾嘔不能食往來
寒熱此皆柴胡本證少陽之脈弦細沉緊若尚未吐下而脈
候沉緊者又有柴胡本脈與小柴胡湯病自解矣若已經吐
下發汗溫鍼譏詎不明柴胡證罷非入陽明之府卽入三陰
之藏此爲少陽壞病柴胡少陽之方不中與也審犯何逆以
法治之

少陽壞病人陽明去路譏詎煩悸證一

少陽二十四

傷寒脈弦細頸痛發熱者屬少陽少陽不可發汗發汗則譫語
此屬胃胃和則愈胃不和則煩而悸

少陽爲三陽之始陽氣未盛故脈弦細少陽經脈自頭走足
病則經氣逆升壅於頭上故善頭痛少陽從相火化氣病則
相火鬱蒸故善發熱相火薰爍津液旣損故不可發汗汗之
津亡土燥則作譫語此屬胃病蓋君相下根全由胃土之降
汗亡津液土燥胃逆二火飛騰神明擾亂故作譫語胃津續
復行其清降之令二火漸下不至爲病若胃燥而不和二火
拔根則心家煩生而風水鬱衝必作悸動也法詳下章

傷寒二三曰心中悸而煩者小建中湯主之

方在少陽九

少陽甲木化氣於相火隨戊土下行而交癸水與少陰君火並根坎府是以神宇清寧不生煩亂汗泄中脘津亡土燥胃逆不能降蟄相火相火升炎消燦心液故生煩擾膽胃兩經痞塞心脇阻礙厥陰升達之路風木鬱衝振搖不已是以動悸風火交侵傷耗胃脘津液小建中湯膠飴甘棗補脾精而生胃液薑桂芍藥疎木而清相火也

炙甘草證三

少陽二十六

傷寒脈結代心動悸者炙甘草湯主之

少陽經脈自頸走足循胃口而下兩脇病則經氣上逆衝逼

戊土胃氣鬱滿橫隔膽經隧道是以心脇痞鞭經絡壅塞營血不得暢流相火升炎漸而營血消亡經絡梗澁是以經脈結代血亡木燥風木鬱衝而升路阻隔未能順達是以悸動相火上燔辛金受刑甲木上鬱戊土被剋土金俱敗則病傳陽明而中氣傷矣炙甘草湯參甘大棗益胃氣而補脾精膠地麻仁滋經脈而澤枯槁薑桂行營血之瘀澁麥冬清肺金之燥熱也

炙甘草湯

七十一

甘草

炙四兩

人參

二兩

大棗

十二枚

生地黃

一斤

阿膠

二兩

麥冬

半升

麻仁

升桂枝

三兩

生薑

三兩

右九味以清酒七升水八升先煮八味取三升去滓內膠烱消盡溫服一升日三服一名復脈湯

煩滿驚悸證四

少陽二十七

少陽中風兩耳無所聞目赤胸中滿而煩者不可吐下吐下則悸而驚

太陽中風而傳少陽是謂少陽中風少陽脈循兩耳病則經脈逆行濁氣上填是以耳聾少陽脈起目之銳眥相火升炎是以目赤少陽脈循胸膈而下兩脇經氣壅阻肺胃不降是以胸中煩滿如此者不可吐下吐下則悸而且驚蓋耳聾目赤胸滿心煩膽胃兩經已自不降再以吐下傷其胃氣胃氣

愈逆甲木拔根是以膽怯而神驚膽胃雙鬱胸膈閉塞風木

鬱衝升路壅咳是以悸作

法詳下章

柴胡龍骨牡蠣證五

少陽二十八

傷寒八九日下之胸滿煩驚小便不利譫語一身盡重不可轉側者柴胡龍骨牡蠣湯主之

下傷中氣胃逆而爲胸滿膽木拔根而爲煩驚心神擾亂而爲譫語土木鬱遏疏泄不行則小便不利已土濕動機關壅滯則一身盡重不可轉側柴胡龍骨牡蠣湯大棗參苓補土而泄濕大黃柴胡桂枝泄火而疏木生薑半夏衝而降濁龍骨牡蠣鉛丹歛魂而鎮逆也

柴胡加龍骨牡蠣湯 七十二

柴胡四兩 半夏二合 人參一兩 大棗六枚 生薑一兩 桂枝一兩 茯苓

半兩 大黃二兩 鉛丹一兩 龍骨一兩 牡蠣一兩

右十二味以水八升煮取四升內大黃切如碁子大更煮一
二沸去滓溫服一升

小柴胡證六 少陽二十九

凡柴胡湯病證而下之若柴胡證不罷者復與柴胡湯必蒸蒸
而振却發熱汗出而解

柴胡證本不宜下而誤下之柴胡證罷此爲壞病若其證不
罷復與柴胡湯必蒸蒸而振慄却發熱汗出而解陽氣欲發

爲陰邪所束鬱勃鼓動故振慄戰搖頃之透發肌表則汗而解矣

大柴胡證七

少陽三十

太陽病過經十餘日反二三下之後四五日柴胡證仍在者先與小柴胡湯嘔不止心下急鬱鬱微煩者爲未解也大柴胡湯下之則愈

方在少陽十三

下後柴胡證仍在若但有少陽經證而無陽明府證先與小柴胡湯應當解矣若嘔不止心下急鬱鬱微煩者是經迫而府鬱爲未解也與大柴胡湯下之經府雙解則愈矣

大柴胡證八

少陽三十一

傷寒十三日不解胸脇滿而嘔日晡所發潮熱已而微利此本柴胡證下之而不利今反利者知醫以丸藥下之非其治也潮熱者實也先宜小柴胡湯以解外後以柴胡加芒硝主之

十三日不解已過再經之期胸脇滿而嘔是少陽經證日晡時發潮熱是陽明府證府病則大便續鞭乃已而微利定服丸藥矣少陽而兼陽明此本大柴胡證下之當府熱清而不利今反利者知醫以丸藥下之緩不及事而又遺其經證表裏俱未罷經邪東迫府熱日增故雖利不愈此非其治也潮熱者胃家之實也是固宜下而胸脇之滿尙有少陽證先宜小柴胡湯以解其外後宜柴胡加芒硝湯主之解外而並清

其裏也但加芒硝而不用大黃者以凡藥下後宿物去而府熱未清也

柴胡加芒硝湯

七十三

柴胡

半斤

黃芩

三兩

半夏

半升

生薑

三兩

人參

三兩

甘草

三兩

芒硝

六兩

於小柴胡湯內加芒硝六兩餘依前法不解更服

少陽壞病入太陰去路柴胡桂枝乾薑證一

少陽三十二

傷寒五六日已發汗而復下之胸脇滿微結小便不利渴而不嘔但頭汗出往來寒熱心煩者此爲未解也柴胡桂枝乾薑湯

主之

傷寒五六日已發汗而復下之傷其中氣膽胃俱逆胸脇滿
結脾濕肝遏小便不利膽火刑肺是以渴生胃逆未甚不至
作嘔相火逆升故頭上汗出營衛交爭故往來寒熱君相升
泄是以心煩此爲少陽之經而傳太陰之藏表裏俱未解也
柴胡桂枝乾薑湯柴胡黃芩疏甲木而清相火桂枝苦薑達
乙未而清燥金乾薑甘草溫中而培土牡蠣除滿而消結也

柴胡桂枝乾薑湯 七十四

柴胡^{半斤}黃芩^{三兩}甘草^{二兩}乾薑^{三兩}桂枝^{三兩}牡蠣^{二兩}苦薑^{根四兩}

右七味以水一斗二升煮取六升去滓再煎取三升溫服一
升日三服初服微煩復汗出便愈

誤下身黃證二 少陽三十三

得病六七日脈遲浮弱惡風寒手足溫醫二三下之不能食而脇下滿痛面目及身黃頸項強小便難者與柴胡湯後必下重本渴而飲水嘔者柴胡湯不中與也食穀者噦

得病六七日脈遲浮弱而惡風寒是太陽中風脈證手足溫是少陽證而亦陽明太陰中氣之未敗也醫乃二三下之傷其中氣膽胃俱逆故不能食而脇下滿痛濁氣衝塞頸項亦強脾濕肝遏遍身發黃而小便難者與柴胡湯黃芩寒中肝脾鬱陷後必下重本來作渴而飲水則嘔者此土濕中寒柴胡不中與也不能容水亦當不能納食飲水既嘔食穀亦噦

也

少陽壞病結胸痞證

病在少陽或入陽明之府或入太陰之藏將入陽明而經證未罷下早則爲結胸將入太陰誤下則爲痞與太陽之結胸痞證由來正同也

少陽壞病結胸初證一

少陽三十四

太陽與少陽併病頭項強痛或眩冒時如結胸心下痞鞭者當刺大椎第一閒肺俞肝俞慎不可發汗發汗則譫語脈弦五六日譫語不止當刺期門

太陽傳少陽兩經並病太陽則頭項強痛少陽則或覺眩冒

時如結胸心下痞鞭者此已是結胸初證當刺大椎第一間
之肺俞肝俞刺肺俞以泄太陰之鬱刺肝俞以泄少陽之鬱
緣肺與太陽同主衛氣而司皮毛肝與少陽同藏營血而司
筋膜也慎不可發汗以傷少陽津血發汗則土燥而爲譫語
木枯而爲脈弦蓋其胸膈痞鞭已是膽胃俱逆再發其汗火
烈士焦遂大陽明而爲譫語膽胃愈逆則時如結胸者當不
止如焉而已若五六日譫語不止則膽胃之津益耗當刺厥
陰之期門以泄少陽而救陽明也

結胸初證二

少陽三十五

太陽少陽並病心下鞭頸項強而眩者當刺大椎肺俞肝俞慎